

E Indice di Confiansa di Consumidor a keda igual na 95.0 den e segundo trimester di 2025.

Comunicado di prensa¹


Banco Central di Aruba (BCA) a conclui e Encuesta di Confiansa di Consumidor pa e segundo trimester di 2025. E encuesta di confiansa di consumidor ta evalua e percepcion economico di e consumidor local.

Preocupacion principal di consumidor den e segundo trimester di 2025 pa e siguiente 6 lunanan:

- Deterioracion di e situation di negoshinan y di economia a baha na 46% (2025-I: 67%).
- Un 40% e respondentenan ta premira mas dificil pa haya un trabou nobo (2025-I: 36%).
- Casi 39% di e respondentenan ta premira cu e posicion financiero di gobierno lo empeora (2025-I: 49%).
- Cerca di 17% di e respondentenan ta premira cu e situation financiero di nan hogar lo deteriora (2025-I: 44%).

Consumidornan a keda pesimista, mirando cu e Indice di Confiansa di Consumidor a keda igual na 95,0 den e segundo trimester di 2025 (mira Grafico 1)².

Grafico 1: Indice di Confiansa di Consumidor a keda igual den e segundo trimester di 2025.




Fuente: Banco Central di Aruba

¹ E version original na Ingles ta prevalece,

² E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu consumidornan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e indice ta muestra un situacion di optimismo den pensamiento di consumidornan

E Indice di Habito di Consumidor y e indice di Situacion Actual ambos a baha cu, respectivamente, 0,8 punto di indice ten a 96,8 y 0,5 punto di indice te na 94,3 den e segundo trimester di 2025. Mientrastanto, e Indice di Expectativa a crece cu 1,7 punto di indice te na 94,7. Pa locual ta e Indice di Expectativa di Prijs esaki a baha cu 0,4 punto di indice te na 90,2 den e segundo trimester di 2025 (mira Grafico 2).

Grafico 2: Resultado di Indice di Confiansa di Consumidor den e segundo trimester di 2025.



Fuente: Banco Central di Aruba

Prijsnan mas halto den e proximo 6 lunanan ainda ta keda un preocupacion grandi pa e respondentenan, como cu 91% di consumidornan ta premira cu den e siguiente 6 lunanan prijsnan lo ta mas halto, cual ta 3 punto di porcentahe menos compara cu e promer trimester di 2025. Respondentenan cu a indica cu nan por "cumpra menos cu nan entrada compara cu 6 luna pasa" a subi cu 5 punto di indice te na 88% den e segundo trimester di 2025. Pa locual ta e respondentenan cu a expresa cu nan ta spaar menos, esaki a baha cu un punto di porcentahe te na 35% den e segundo trimester di 2025.

E relato completo di e Encuesta di [Confiansa di Consumidor](https://www.cbaruba.org) ta disponibel ariba website di BCA www.cbaruba.org

Banco Central di Aruba

14 october 2025

Tocante Banco Central di Aruba

E proposito principal di BCA ta pa contribui na estabilidad financiero y prosperidad economico di comunidad di Aruba. BCA ta logra e mision aki door di implementa un maneho monetario efectivo dirigi na mantene estabilidad di balor di e florin, promove e solides y integridad di e sistema financiero y yuda mantene un sistema di pago eficiente y confiabel.

Banda di su tareanan principal, BCA ta encarga cu emision di biyete di florin y moneda di florin y ta e bankero di gobierno. Ademá e ta regula e transaccionnan di pago cu exterior y ta administra e divisanan di Aruba y ta controla e uzo di esaki.

Pa mas informacion tocante BCA, por bishita su website www.cbaruba.org
